

北京圖書館 編

北京圖書館藏珍本
年譜
叢刊



第 117 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 117 冊

第一一七冊目錄

先君子太史公年譜	一
吳菰園府君自訂年譜	一一三
收庵居士自叙年譜略	二〇九
黃仲則先生年譜	三六一
王壯節公年譜	三八九
青城山人年譜	四八五
滄來自記年譜	六二九

先君子太史公年譜

男士鏞謹編敬述

乾隆十二年丁卯一歲

是年八月十一日子時先君生於欽州長墩司之南

雅鄉姓馮氏諱

字伯求一字伯子號魚山

乾隆十三年戊辰二歲

乾隆十四年己巳三歲

乾隆十五年庚午四歲

乾隆十六年辛未五歲

乾隆十七年壬申六歲

乾隆十八年癸酉七歲

是年曾大父憲萬贈公爲口授毛詩并疏通大意

乾隆十九年甲戌八歲

是年毛詩四書已各勤誦

乾隆二十年乙亥九歲

是年四書五經俱卒讀嘗聞曾大父讀陶詩輒吟唔
不置便能了了每好讀唐詩先大父偕客攜先君登
州之文筆峯立成五律并有人散小橫塘諸詩是夏
曾大父赴例考未歸而曾大母棄世

乾隆二十一年丙子十歲

是年曾大父在家塾中授以秦漢唐宋諸古文并疏

通四書大義遂作破承試詩曾大父色喜以硃筆圈點歸語先大母曰兒初學已佳後當出人頭地也

乾隆二十二年丁丑十一歲

是年在家塾中遍習五經左傳國策更習制藝則援筆成篇時同學已冠者俱爲敬懼

乾隆二十三年戊寅十二歲

是年先大父赴例考遂攜先君應州府兩試郡伯某詫見幼穉令人掖於坐爲出孟題夫人幼而學之一句面試立就大爲稱異因冠一軍夏學使吳雲巖先生按試至郡歲試因卷中有貪官污吏剝削民之脂

膏二語院大書觸目二字於上遂不錄七月復應科
試以興於詩及賜也聞一以知二題文見賞遂得青
其衿簪賞日郡人聚觀咸歎羨焉報至曾大父喜甚
八月初二條以無疾終先君以長孫隨先大父奔歸
乾隆二十四年己卯十三歲

是年出城從本州明經謝涵川太先生

謙

讀制藝試

律益進有梅花詩四首皆先輩絕倒者先大父時方
守制未往鄉試

乾隆二十五年庚辰十四歲

是年出城於方梅軒先生之家塾從合浦名宿譚崧

堂太先生超淵遊詩歌詞賦靡不貫澈

乾隆二十六年辛巳十五歲

是年仍從譚先生讀於方家村夏隨先大父往郡應
例考學使鄭誠齋先生按臨古學以月中桂樹賦試
諸生先君有宇宙惟此一株古今會無兩月學使大
加賞愛科試擢第一食餼并指授古今詩律宗旨命
亟出就鴻儒不宜畝池中云

乾隆二十七年壬午十六歲

是年二月隨先大父之肇慶從陸大田先生讀書於
端溪書院先生負重名不輕許可及觀先君古今詩

文擊賞不已當時同學如肇郡龔宗丞驂文唐明府
汝風黃廣文淮王明經宗烈電白邵廣文天眷樂昌
歐太守煥舒梁廣文平菴皆一時知名士樂與先君
往來上下其議論師友父子講貫殆無虛日發榮滋
長幾不復知世味也七月之省應鄉試更得與新會
李明府潮三番禺黃孝廉翼堂林上舍剛黃上舍藥
樵諸名士切磋詩律日富及被落隨先大父歸

乾隆二十八年癸未十七歲

是年春赴省擬入粵秀書院肄業已在甄別後向例
非經大憲甄別卽須學使錄送乃得入院先君聞學

使張晴谿先生按臨惠州遂往求考冀牒移送院時
方試古學學使卽令與惠陽人士共試榜發第一一
軍皆異於是錄送入院乃得遊於柴嶼青先生之門
居院之西齋竹園仍與李林黃唐諸名士同門砥礪
皆以千古爲期文法旣精詩篇愈瞻云

乾隆二十九年甲申十八歲

是年二月自粵秀書院還家夏之郡應例考學使邊
口口先生按臨試古學得先君合浦還珠賦及各體
詩擢第一後邊以事去乃歸與諸叔下帷於深竹讀
書堂

乾隆三十年乙酉十九歲

是年正月復之郡應科試學使翁覃谿先生接考按臨試古學得先君金馬式賦及擬古諸篇驚曰此南海明珠也卽擢拔遂見知於先生五月之省會覆拔貢第一隨應鄉試被落歸又前壬午歲先大父修造舊宅今始落成十月母氏潘宜入來歸

乾隆三十一年丙戌二十歲

是年春初赴京應廷試由庾嶺取江西厯長江彭蠡金陵揚州山東直隸爲初攬勝景之始四月到京以二等候選七月與李勺海先生胡鐵琴昆仲同舟

南還八月下旬至黃河遇大風雨十月初旬到東省
還家紀行諸詩大進

乾隆三十二年丁亥二十一歲

是年家居同各叔下帷於深竹讀書堂夏之郡視二
三兩叔院試學使翁覃谿太先生再復任至廉先君
遂晉謁受業古今詩一變七月還家九月長女生

乾隆三十三年戊子二十二歲

是年仲春之省間得請業於覃谿太先生迨秋榜被
落始由江門歷高涼訪李勺海先生於電白學署暨
邵天眷先生於文峯里遂畱度歲

乾隆三十四年己丑二十三歲

是年春由電白返廉還家下帷於書堂五月母氏歸寧養疾有夏夜作之詩冬復由海舶之郡視二三兩叔應郡試試日甚寒八夜先君久待兩叔於坊下僅能成立所有水薪皆自汲取時同臥小樓中苦寒彌甚因手書坡公逍遙堂詩梧州示子由詩於壁以寄意乃試事未竣而兩叔忽弱遂於郡城度歲

乾隆三十五年庚寅二十四歲

是年正月同兩叔自郡還家時學使翁覃谿太先生三任至廉三月先君再之郡隨棚讀書由高涼化州

出陽春五月二十八至端州得綠亭念叔求

曦

叔不

已因手書云蕭蕭風雨喔喔鳴雞相思者誰夢寐見
之之語以寄暇日以詩文請業於翁太先生先生手
書云有此才氣則五嶺十郡三州竟無其對所謂粵
之詩家若南園前後五子以及近日嶺南三家皆不
足道也風骨一年勝於一年似此則竟要直追古大
家而學之斷斷不可落明李何諸人窠臼云云秋至
省垣聞叔求叔凶問傷甚遂不欲入闈擬卽奔歸撫
視適先大父赴闈亦至迫令入闈不得歸有嗚呼我
行役十載九離別之句九月 恩榜放以第三人中

武主試乃江蘇上海陸耳山先生湖南簡玉亭先生
時先君文已擬元爲耳山先生取定後有以三藝皆
散行不可元爲言者乃置第三進謁日主司面語皆
亦係中第三云又見自題鄭解元遺照有云劍氣陸
離珠光吞吐互不相下莫適所主於
時某也卷實擬元及君文成氣體尤淵吾師
陸簡精心持權灼然元君某俾隨肩云云冬別先

太父及覃谿太先生計偕入都取道長江金陵歷諸
舊遊之所曾有登太白樓采石磯峨眉亭五七古
諸詩

乾隆三十六年辛卯二十五歲

是年春至京應恩科會試不第留京時錢宮詹籜
石先生以學問詩書鳴一時仰之者有龍門之想先

君因得以詩進質大承擊節手書云實有天才加以博學在所必傳若嶺南諸先正皆得偏方之音而此獨否精進不已橫絕古今固當拔戟於三家之上并驅中原扶輪大雅幸不以博取功名而自小之云云時覃谿太先生廣東任竣還京先君并得請業焉

乾隆三十七年壬辰二十六歲

是年時從覃谿太先生嘗遊名勝看花賦詩及會試又不第夏遂南還中秋後抵粵至家度歲

乾隆三十八年癸巳二十七歲

是年春家居時衆葺州城東樓成嘗與州侯康茂園

先生文酒之樂旋送坐升廉守又先大父歲貢於鄉
適建近城祖居爲宗祠落成先大父率先君以大宗
子孫及族人謁祖告廟禮成秋長男士載兄生先大
父復令先君再入都亟從覃谿太先生學以圖遠至
因於八月十一攜同季光曙叔北上九月重至省垣以
季叔病遂僑寓於桑園爲之調養經年始愈時一僕
忽逃兄弟讀書之餘親執炊爨恆不以艱遇而易志
焉因畱省度歲

乾隆三十九年甲午二十八歲

是年春在省待季叔健并俟秋闈後約伴始行因與